## Johnnie Cope

1. Cope sent a challenge from Dunbar, Sayin' Charlie meet me an' y'daur, An' I'll learn ye th' art of War, If y'meet me in the mornin'!

## Chorus

Hi, Johnnie Cope, are y'waukin' yet? And are your drums a beatin' yet? If ye were waukin', I wad wait, When y'come wi' yer carls in the mornin'!

- 2. When Charlie looked the letter on, He drew his sword the scabbard from, Come, follow me my merry men, And we'll meet Johnnie Cope in the morning! Chorus
- 3. Now, Johnnie, be guid as yer word, Come let us try baith fire and sword, And dinna flee like a frichted bird, That's chased from it's nest in the morning! Cmhorus:
- 4. When Johnnie Cope he heard of this, He thoucht it wadna be amiss Tae hold a horse in readiness, Tae flee awa' in the mornin'! Chorus
- 5. Fie, now Johnnie, get up and run! The Highland bagpipes mak' a din! It's better tae sleep in a hale skin, For it will be a bluidy mornin'! Chorus
- 6. When Johnnie Cope tae Dunbar cam, They speired at him "Whaur are your men?" "The de'il confound me gin I ken, For I left them a' in the mornin'!" Chorus
- 7. Now, Johnnie, troth ye werena blate, To cam wi' news of your ain defeat, And leave your men in sic a strait, Sae early in the mornin'!

  Chorus
- 8. "In Faith," quo Johnnie, "I got sae flegs Wi' their claymores and philibegs! Gin I face them again, de'il break my legs! Sae I wish ye all good mornin'!" Chorus